

- 1★ وزیر اعظم نریندر مو دی نے اج آکاشوانی تیں اپنا من کی بات پروگرام غے دوران لوکاں سنگ اپنا خیالات غو تبادلہ کرتاں واں خلائی سیکٹر مانہہ کیا گیا سدھاراں غی سراہنا کی۔
- 2★ جموں کشمیر مانہہ اسمبلی چناواں تیں پہلاں سیا سی سرگرمیاں مانہہ بابدو دیکھیو جارہیو ہے۔ تے پہلا مرحلہ غا چناواں واسطے کاغذات نامزدگی پہرن غی آخری تا ریخ 27 اگست مقرر کی گئی ہے۔
- 3★ جموں کشمیر مانہہ اسمبلی چناؤ کرایا جان غا سلسلہ مانہہ چناؤ خرچہ ور نظر رکھن غی خاطر 8 سو افسراں نانہہ تربیت دتی گئی ہے۔
- 4★ تے نوجواناں تے کھیڈاں با رے مرکزی وزیر مانسکھ مانڈویا نے شہریاں ور زور پایو ہے جے وے قومی کھیڈ تہاڑہ غا موقع ور کھٹوں کھٹ اک گھنٹہ واسطے بیرونی کھیڈاں مانہہ شرکت کریں۔

PM MKB

وزیر اعظم نریندر مو دی غو کہنو ہے جے خلائی سیکٹر مانہہ کیا گیا سدھاراں سنگ ملک غا نوجواناں نانہہ بڑو فائدو ملیو ہے۔ آج آکا شوانی تیں نشر کیا گیا من کی بات پروگرام مانہہ قوم سنگ خطاب کرتاں واں وزیر اعظم نے کہیو جے ترقی یا فتنہ بھارت غی نیں مضبوط کیا جان غا سلسلہ مانہہ ملک مانہہ کا فی کم بو رہیو ہے۔ انہاں نے کہیو جے چندریان 3 غی کامیابی غی علامت غا طور ور گذشتہ 23 اگست نانہہ ملک مانہہ پہلو قومی خلائی تہاڑو منایو گیو۔ وزیر اعظم نے دسیو جے گذشتہ سال اسے روز چندریان 3 نامی خلائی طیارو چن غا جنوبی حصہ ور کامیابی سنگ اُترو تھو۔ وزیر اعظم غو کہنو تھو جے بھارت چندریان 3 نانہہ کامیابی سنگ چن غا جنوبی حصہ ور اُتاریا جان آلو دُنیا مانہہ ایسو پہلو ملک بن گیو ہے۔ من کی بات پروگرام غے دوران وزیر اعظم نے آئی آئی ٹی مدراس غا سابق طالب علمان غی خلائی ٹیکنالوجی گلیکسی آئی شروع کرن آلی ٹیم سنگ وی گل بات کی۔ وزیر اعظم نے کہیو جے اس سال لال قلعہ تیں اُن غی طرفوں غیر سیا سی نوجواناں نانہہ سیا سی نظام مانہہ شامل ہون واسطے کہن غو حوصلہ آفزا ردعمل ظاہر کیو گیو ہے۔ جس غے بعد بڑی متی تعداد مانہہ نوجوان سیا ست مانہہ شمولیت واسطے تیا ہو گیا ہیں۔ ”برگھر ترنگا“ غو ذکر کرتاں واں وزیر اعظم نے جموں کشمیر غا ریا سی ضلع مانہہ 750 میٹر لما قومی جھنڈا غو ذکر کیو۔ جس نانہہ دریائے چناب ور دُنیا غا سب تیں اُچا ریلوے پُل ور لہرايو گیو تھو۔ انہاں نے کہیو جے جس نے وی ریا سی مانہہ یوہ قومی جھنڈو لہرایا جان غو منظر ریکھیو ہے اُس غو دل شادمان ہو گیو ہے۔ وزیر اعظم نے انساناں تے جانواراں بشکار پیار تے شفقت غا جذبات مضبوط بنان غی ضرورت وی ظاہر کی۔ تے ”ایک پیڑ ماں کے نام“ مہم مانہہ حصول لین غی ضرورت ور زور دتو۔ انہاں نے جسمانی چُستی غی خاطر وی لوکاں مانہہ بیداری غی ضرورت ظاہر کرتاں واں اس خاطر سرکار غی طرفوں کیا گیا اقدام غو ذکر وی کیو۔ انہاں نے آئندہ گُجھ روز غے بعد پیرس مانہہ پیرا المپکس کھیڈ شروع ہون غو وی

ذکر کیو۔ تے کہیو جے بُن اک آرب 40 کروڑ بھارتیاں غی طرفوں اِن کھیڈاں مانہہ شریک بون آلا کھڈاریاں غی حوصلہ افزائی کرن غو موقعو آریو ہے۔ اُنہاں نے اِن کھڈاریاں غی ”بیشٹنگ چیر فار بھارت“ غے ذریعے حوصلہ افزائی کرن غی ترغیب دتی۔ وزیر اعظم نے من کی بات پروگرام غے دوران آئندہ جن مسٹمی، گنیش چتو رتھی، اونم، عید میلاد النبی تے تیلگو بھاشا دیو س غا تہواراں غی آمد ور لوکاں نانہہ میا رکبا د وی دتی۔

Politics JK

بھارتی چناؤ کمیشن غی طرفوں جموں کشمیر مانہہ اسمبلی چناواں غا اعلان غے بعد چناوی سرگرمیاں مانہہ بابدو دیکھیو جا ریو ہے۔ پہلا مرحلہ غے تحت جنوبی کشمیر غی 16 اسمبلی سیٹاں جد کہ جموں ڈویزن غا ڈوڈہ، کشتواڑ تے رام بن ضلعان غی 8 سیٹاں ور آئندہ 18 ستمبر نانہہ چناؤ کرایا جائیں گا۔ پہلا مرحلہ غا چناواں واسطے کا غزات پھرن غی آخری تا ریخ 27 اگست مقرر کی گئی ہے۔ البتہ اجوں توڑی کسے وی بڑی سیا سی جماعت غی طرفوں اس مرحلہ واسطے اپنا اُمید واراں غی فہرست جا ری نہیں کیگئی ہے۔

BJP

بھارتیہ جنتا پارٹی اج شام جموں کشمیر اسمبلی چناواں مانہہ شامل کیا جان آلا اُمید واراں غا نایاں غی پہلی فہرست جا ری کر رہی ہے۔ اِن اُمیدواراں غا نایاں غو اعلان نوی دہلی مانہہ پارٹی غا صدر دفتر مانہہ پارٹی غی ”مرکزی چناؤ کمیٹی“ غی میٹنگ غے بعد کیو جائے گو۔ یاہ میٹنگ پارٹی صدر جے پی نڈہ غی قیا دت مانہہ ہو رہی ہے۔ جس مانہہ پارٹی گا دوجا عہدیداراں غے علا وہ وزیر اعظم نربندرمو دی وی شرکت کر رہیا ہیں۔

NC Congress

نیشنل کانگریس تے کانگریس اتحاد ور غیر یقینی غی صورتحال غے بشکا ر کل پارٹی غی چناؤ سکریننگ کمیٹی غے باندے کانگریس لیڈراں نے یوٹی غا تمام 90 اسمبلی حلقاں واسطے اُمید واراں غی فہرست پیش کر دتی۔ آل انڈیا کانگریس کمیٹی غی سکریننگ کمیٹی غی میٹنگ مقامی کانگریس لیڈراں سنگ منعقد کیگئی۔ جس غی صدارت جموں کشمیر بارے کانگریس پارٹی غا انچارج سکھچندر سنگھ رندھاوا تے جے کے پی سی سی غا صدر طارق حمید قراء کر رہیا تھا۔ پارٹی غا اک لیڈر نے جانکا ری دیتاں واں دسیو ہے جے کانگریس غا گُجھ لیڈراں نے نیشنل کانگریس سنگ کیا گیا اتحاد ور تحفظات غو اظہا ر کیو ہے۔ تے نیشنل کانگریس غی ایمانداری ور سوال چایا ہیں۔ اُنہاں نے یوہ وی دسیو ہے جے پارٹی غی طرفوں فیصلو کیو گیو ہے جے ڈیموکریٹک پروگریسو آزاد پارٹی غا کسے وی لیڈر غو کانگریس مانہہ خیرمقدم نہیں کیو جائے گو۔ اسے دوران نیشنل کانگریس غا صدر ڈاکٹر فاروق عبداللہ نے وی سینئر پارٹی لیڈراں سنگ اک میٹنگ منعقد کر غے پارٹی غابکھ بکھ معاملن ور غور کیو گیو۔ جن مانہہ کانگریس سنگ سیٹاں غی تقسیم غو معاملو سر فہرست رہیو۔ نیشنل کانگریس غا وی کئی لیڈر سیٹاں غی تقسیم ور ناراض دیکھیا گیا۔ تے

انہاں نے کجھ اسمبلی حلقاں مانہہ سیٹاں غی تقسیم غو پا رٹی ور منفی آثر پین غو خدشو
ظاہر کیو۔

MCC

جموں کشمیر غا چناؤ محکمہ نے گذشتہ روز الیکشن خرچہ غا معائنہ غا سلسلہ مانہہ اک
روزہ آن لائن ٹریننگ پروگرام غو انعقاد کیو۔ سرکار ذریعہاں نے دسیو ہے جے اس تربیتی
پروگرام مانہہ تقریباً 8 سو افسراں نے شرکت کی۔ اس تربیتی پروگرام غو افتتاح جموں
کشمیر غا چیف الیکٹورل افسر پانڈورنگ کے پولے نے کیو۔ تمام 22 نفاذ ایجنسیاں غا
اسمبلی حلقاں واسطے نوڈل افسراں تے ضلع نوڈل افسراں غے نال نال فلائینگ اسکاڈس غا
انچارج افسراں تے نگرانی رکھن آلی ٹیماں نے اس میٹنگ مانہہ شرکت کی۔ ذرائع ابلاغ نے
یوہ وی دسیو ہے جے اعلیٰ چناؤ افسر نے تربیت حاصل کرن آلا افسراں ور زور پایو جے وہ
تدبی نال کم کرتاں واں اسمبلی چناؤ غا عمل صاف و شفاف بنان مانہہ یقینی بناویں۔ 18
ستمبر مانہہ شروع ہون آلا چناؤ مانہہ بہتر طریقہ نال کران غا سلسلہ مانہہ جناب پولے نے
ڈائریکٹر سطح غا افسراں غی اک میٹنگ غی وی کئی صدارت کی جس مانہہ چناؤ مرکز
غی مجموعی تیاریاں غو جائزو لیو گیو۔ پولینگ مرکزیاں ور بنیادی سہولیات غی دستیابی با
رے اعلیٰ چناؤ افسر جموں کشمیر نے افسراں مانہہ ہدایت جاری کیں جے وہ اک ہفتہ غے
اندر پولینگ مرکزیاں غی جیو ٹیگڈ تصویر، بنیادی سہولیات غی تصاویر سمیت ان غے
دفتر بھجیں۔ جموں کشمیر مانہہ 11 ہزار 8 سو 38 پولینگ مرکزیاں جن وچوں 2 ہزار 3 سو
32 شہری علاقہ تے 9 ہزار 5 سو 6 چناؤ مرکز دیہی علاقہ مانہہ بنایا گیا ہیں۔ تے ہر چناؤ
مرکز ور اوسط 735 رائے دہندگان ویں گا۔

Mandaviya Sports Day

نوجواناں غا امور تے کھیڈاں غا مرکزی وزیر ڈاکٹر مانسکھ مانڈویا نے مُلک غا شہریاں ور زور
پایو ہے جے وہ اس مہینہ غی 29 تا ریخ مانہہ قومی کھیڈ تہاڑہ غا موقع ور کھٹو کھٹ 1
گھنٹا واسطے کسے کھیڈ مانہہ حصو لیں۔ اک ویڈیو پیغام مانہہ ڈاکٹر مانڈویا نے کھیو ہے
جے کھد تے باہر کھیڈی جان آلی کھیڈاں مانہہ لوگ حصو لیں کیونجے اس نال فٹ انڈیا
موومنٹ ناں غی تحریک اگے بدھے گی۔ کھیڈاں گا وزیر نے مزید کھیو جے وزیر اعظم نریندرمو
دی غو نظریو ”کھیلے غا انڈیا تبھی تو کھلے غا انڈیا“ کھیڈاں آلے پا سے مُلک غی رہنمائی کرے
گو۔

Jatinder US Meet

مرکزی وزیر مملکت ڈاکٹر جتندر سنگھ نے نوی دہلی مانہہ امریکہ بھارت سول جو بری کاروبا
ر ور دو طرفہ میٹنگ غی صدارت کی۔ سائینس تے ٹیکنالوجی غی وزارت نے اج دسیو جے
میٹنگ مانہہ دوہاں مُلکاں بشکار نازک معاملہاں جن مانہہ سائینس ٹیکنالوجی تے صاف
توانائی شامل ہیں ور ڈونگا تعاون ور زور دتو گیو۔ میٹنگ غے دوران ڈاکٹر سنگھ نے اعلان
کیو جے بھارت امریکہ خلائی تعاون مانہہ اک اہم سنگ میل حاصل ہوؤ۔ کیونجے گگن یان

مشن تیں بھارتی خلا باز بین القوامی خلائی اسٹیشن مانہہ شامل ہون واسطے تیار ہے۔ ڈاکٹر سنگھ نے صاف توانائی ٹیکنالوجی تے دوا سازی جیسا شعباں مانہہ عالمی سطح ور محفوظ تقسیم کا ری مانہہ اس شراکت داری غی اہمیت ور زور دتو۔ توانائی پیدا کرن، بڑی صنعتاں تے مال برادری غا کا ربن دور کرن غی مُلک غی حکمت عملی مانہہ گرین ہا ٹیڈروجن مشن نانہہ ڈاکٹر جتندر سنگھ نے اہم دسیو۔ اعلیٰ سطح غا امریکی وفد غی قیا دت امریکی صدر غا بین القوامی موسمی حالات پالیسی غا سینئر صلاح کار جان پو دیستا تے امریکہ غا توانائی شعبہ غا ڈپٹی سیکریٹری ڈیویڈ ٹرک کر رہیا تھا۔

RG Kar CBI

کلکتہ مانہہ آر جی کار میڈیکل کالج تے ہسپتال معاملہ مانہہ مالی بے قاعدگیاں غے متعلق اج سویرے سی بی آئی نے 15 جگہاں ور چھاپے ماری کی۔ سی بی آئی غی اہم ٹیم آر جی کار غا سابق پرنسپل ڈاکٹر سندپ گھوش غے کہہ ان تیں پُچھ گچھ کر رہی ہے۔ مرکزی تحقیقاتی بیورو غی اک ٹیم غے ہمرہ مرکزی ٹیم تے کلکتہ پولیس وی ہیں۔ سی بی آئی غی دوجی ٹیم آر جی کار کا لج مانہہ نواں پرنسپل تے وائس پرنسپل تیں پوچھ تاش کر رہی ہے۔ اس غے علا وہ سی بی آئی ٹیم آر جی کار غا سابق میڈیکل سپرنٹینڈنٹ پروفیسر ڈاکٹر دیواسش سوم تے وائس پرنسپل ڈاکٹر سنجے سششٹ تے میڈیکل سپر وائزر ہلپ سنگھ تیں وی ان غی رہا ئش گاہ ور تحقیقات کر رہی ہے۔

Employees

انتظامیہ تے ضلع تے اسمبلی حلقہ سطح گا عہدیداراں واسطے تربیتی نشست منعقد کی گئی ہیں۔ اس تربیتی نشست مانہہ اسمبلی چناؤ مانہہ عہدیداراں چناؤ عمل نال تعلق رکھن آلی بکھ بکھ ذمہ داریاں بارے جانکاری دتی گئی۔ ماسٹر ٹرینراں نے الیکٹرانک ووٹنگ مشیناں تے دوجا آلات بارے تربیت دیتاں واں ان غا چناؤ عمل مانہہ کردار بارے اہمیت اُجا گر کیں تے مشق کرائیں۔ عہدیداراں نانہہ سلسلہ وار عمل ور ماک پول منعقد کران غی ضرورت بارے وی دسیو۔
